



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: KSI-12-330/22

Datum: 29.11.2022. godine

Na osnovu člana 52. stav (3) Zakona o upravnom postupku Brčko distrikta BiH („Službeni glasnik Brčko distrikta BiH“, broj: 48/11, 21/18 i 23/19) i člana 35. Zakona o sprečavanju sukoba interesa u institucijama Brčko distrikta BiH („Službeni glasnik Brčko distrikta BiH“, broj: 04/21), a postupajući po podnesenoj prijavi S.Đ. od 15.09.2022. godine o povredi odredaba zakona, Komisija za odlučivanje o sukobu interesa na 38. sjednici održanoj dana 29.11.2022. godine donosi

Z A K L J U Č A K

Odbacuje se prijava S.Đ. od 15.09.2022. godine za utvrđivanje sukoba interesa protiv Zekerije Mujkanovića, glavnog tužioca u Tužilaštvu Brčko distrikta BiH, zbog nenadležnosti.

Образложење

Dana 15.09.2022. godine Komisiji za odlučivanje o sukobu interesa dostavljena je od strane Policije Brčko distrikta BiH, prijava S.Đ. za pokretanje postupka za utvrđivanje postojanja sukoba interesa protiv Zekerije Mujkanovića, glavnog tužioca u Tužilaštvu Brčko distrikta Bosne i Hercegovine.

Članom 2. stav 1. tačka c) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon) propisano je ko su nosioci javnih funkcija, a članom 1. Zakona propisan je predmet Zakona, odnosno obaveze, prava i odgovornosti isključivo nosilaca javnih funkcija, kao i da je Komisija nadležna za sprovođenje Zakona.

Obzirom da glavni tužilac Tužilaštva Brčko distrikta BiH, nema status nosioca javne funkcije, odnosno nije izabrano ili imenovano lice u organima ili institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lice koje je imenovao, odnosno na čiji izbor ili imenovanje saglasnost daje Skupština, odnosno Vlada, ukoliko drugim zakonom nije drugačije regulisano, Komisija za odlučivanje o sukobu interesa nije nadležna za odlučivanje u ovom slučaju jer lice protiv kojeg je podnesen zahtjev nije nosilac javne funkcije.

Članom 52. stav (4) Zakona o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19) propisano je da ako organ koji je dobio podnesak ne može da utvrdi koji je organ nadležan za rad po podnesku, donijeće bez odlaganja zaključak kojim će odbaciti podnesak zbog nenadležnosti i zaključak odmah dostaviti stranci.

Kako za prijem ovog podneska nije nadležna Komisija, to je shodno članu 52. stav (4) Zakona o upravnom postupku Brčko distrikta Bosne i Hercegovine, odlučeno kao u izreci ovog Zaključka.

Pouka o pravnom lijeku:

Protiv ovog zaključka nije dozvoljena žalba, ali stranka može pokrenuti upravni spor tužbom kod Osnovnog suda Brčko distrikta BiH, u roku od 30 dana od dana prijema ovog zaključka.

Predsjednik

Komisije za odlučivanje o sukobu interesa

Admira Mujić, dipl. pravnik

Dostavljeno:

- Policiji Brčko distrikta BiH,
- S.Đ.,
- Evidenciji i
- Arhivi.